



Adresa: **Ul. Hamdije Čemerlića 39 a**  
71000 Sarajevo  
<http://www.voda.ba>

tel. +387 33 726-422;  
fax. +387 33 726 423  
e – [mailinfo@voda.ba](mailto:mailinfo@voda.ba)

Broj: **UP-1/21-3-35-368-5/22**

Datum: **04.08.2022 godine**

«Agencija za vodno područje rijeke Save» Sarajevo rješavajući po zahtjevu Investitora „GRADEVINAR” d.o.o. Novi Travnik u postupku izdavanja vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona, sa pratećim objektima i sadržajima izgrađenog u naselju Stojkovići, općina Novi Travnik na osnovu člana 139. stav (1) tačka 3. i 10. Zakona o vodama („Službene novine Federacije BiH”, broj 70/06) i člana 200. stav (1) Zakona o upravnom postupku („Službene novine Federacije BiH”, broj 2/98 i 48/99), donosi:

### **RJEŠENJE** **o vodnoj dozvoli**

1. Daje se vodna dozvola pravnom licu „GRADEVINAR” d.o.o. Novi Travnik za ispuštanje tehnoloških otpadnih voda i aktivnosti koje mogu imati specifične uticaje na vode, odnosno koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na lokaciji izgrađenog postrojenja za proizvodnju betona kapaciteta 35 m<sup>3</sup>/h, u naselju Stojkovići, općina Novi Travnik, na k.č. 814/4, 814/2, 911/2, 910/2 i 912, P.L. br.647, K.O. Stojkovići, općina Novi Travnik.
2. Ova vodna dozvola se odnosi isključivo na aktivnosti i lokaciju definiranih tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH” broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
  - 3.1 Za vrijeme trajanja ovog Rješenja izraditi Investiciono tehničku dokumentaciju koja se odnosi na prikupljanje i tretman tehnoloških otpadnih voda kao i oborinskih voda s manipulativnih površina. Investiciono-tehnička dokumentacija treba biti izrađena od strane pravne osobe koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A ili B») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH”, broj 17/08 i 38/12) i sadrži sve analize, proračune, istraživanja, nacрте i dr. sukladno članku 5. stav (2) i stav (4) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj 31/15).
  - 3.2 Da, za vrijeme trajanje ove dozvole, korisnik prilagodi stanje odvodnje oborinskih i tehnoloških voda kao i njihov tretman shodno izrađenoj dokumentaciji naznačeno pod 3.1 ovog Rješenja.

- 3.3 Da korisnik izgrađenih objekata i instalirane opreme koji se koriste za proizvodnju svježeg betona, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
- 3.4 Da korisnik navedenih objekata za vrijeme trajanja ove dozvole, osigura da se otpadne vode iz postrojenja za proizvodnju svježeg betona nesmetano sakupljaju i odvođe do objekata predviđenih za tretman otpadnih voda-sustava taložnika s ispuštom u definirani recipijent. Ispuštena voda iz separatora masti i ulja mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
- 3.5 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih u tabeli 1 Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.6 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 i 26/14).
- 3.7 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.8 Ukoliko se čišćenje strojeva vršiti unutar industrijskog kruga, čišćenje vršiti isključivo na betonskoj podlozi s izvedenim sustavom odvodnje prema taložnicima odnosno separatoru ulja i masti.
- 3.9 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.10 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.11 Otpad koji nastaje u postupku proizvodnje i drugi nusproizvodi, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.12 U cjelokupnom kompleksu koji se koristi za proizvodnju svježeg betona, zabranjuje se pretakanje nafte i naftnih derivata u bilo kom obliku i namjeni.
- 3.13 S ovlaštenim poduzećem sklopiti ugovor o održavanju, čišćenju i pražnjenju separatora masti i ulja i voditi evidenciju o istom.
- 3.14 Za vrijeme trajanja ovog rješenja ishoditi upotrebnu i okolinsku dozvolu od nadležne institucije za cijeli kompleks „GRADEVINAR” d.o.o. Novi Travnik.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, „GRADEVINAR” d.o.o. Novi Travnik je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je

- izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
  8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. Ova vodna dozvola, shodno članu 129. stav 1 Zakona o vodama („Službene novine Federacije BiH” broj 70/06) se daje sa rokom važenja od pet (5) godine od dana pravosnažnosti rješenja.
  10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Investitor, „GRADEVINAR” d.o.o. Novi Travnik obratio se ovoj Agenciji sa zahtjevom za izdavanje vodne dozvole za ispuštanje tehnoloških otpadnih voda u prirodni recipijent i aktivnosti koje mogu imati specifične uticaje na vode, a odnose se na proizvodnju betona na lokalitetu naselja Stojkovići, u općini Novi Travnik izrađenog na k.č. 814/4, 814/2, 911/2, 910/2 i 912 ,P.L. br.647, K.O. Stojkovići, općina Novi Travnik.

Uz zahtjev je dostavljena sljedeća dokumentacija:

- Rješenje o registraciji br. 051-0-RegZ-22-000527 od 13.09.2013. godine izdato od strane Općinskog suda u Travniku;
- Uvjerenje o poreznoj registraciji od 05.11.2018. godine izdato od strane Porezne uprave Novi Travnik;
- Potvrdu br. 02-19515/06 od 10.08.2006.god., kojom poduzeće Građevinar d.o.o. Novi Travnik postaje vlasnik navedenih nekretnina izdana od Agencije za privatizaciju Travnik;
- Rješenje o odobrenju upisa izvršene privatizacije u sudski registar od 03.07.2001.god., izdana od Agencije za privatizaciju Travnik;
- Zemljišnoknjižni izvadak br 488 i 11, izdanih od Zemljišnoknjižnog ureda, općinskog suda u Travniku;
- Suglasnost JKP Vilenica o priključku na vodovodnu mrežu br.1276/85 od 19.09.1985.god.;
- Urbanistička suglasnost br.03-364-93 od 08.04.1985.god. za gradnju u industrijskoj zoni Stojkovići izdana OOUR-u Građevinar;
- Načelna suglasnost za lokaciju betonske baze br.03-364-198 od 31.07.1980.god. br. 07/3-23-1027/05 od 03.03.2006.god., izdana OOUR-u Građevinar;
- Studija za postrojenja za proizvodnju sirovog betona izrađen od HIGRACON d.o.o. Sarajevo iz 11/2021.;
- Uplatnice administrativne takse.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-368-4/22 od 03.08.2022. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Postrojenje za proizvodnju betona nalazi se u naselju Stojkovići, općina Novi Travnik, na lokalitetu koje se nalazi na zemljišnim česticama k.č. 814/4, 814/2, 911/2, 910/2 i 912 ,P.L. br.647, K.O. Stojkovići, općina Novi Travnik.

Građevinar doo Novi Travnik je u procesu privatizacije postao vlasnikom postrojenja za proizvodnju betona nekadašnjeg vlasnika GRO MLADOST ,OOUR GRAĐEVINAR Pucarevo (sada Novi Travnik), poduzeća koje je izgradilo postrojenje 1993.god. a za isto pribavilo urbanističku suglasnost iz 1985. Po iskazu vlasnika za isto je pribavljena i građevinska kao i uporabna dozvola ali ta dokumentacija je nestala u razdoblju 1993-1995.god.

Sastavne komponente su; postrojenje za proizvodnju betona sa dozatorima kapaciteta **35m<sup>3</sup>/h**, skladišna hala, manipulativni prostor koji je dijelom presvučen betonskom podlogom sa urađenim kanalima i slivnicima koji su spojeni na taložnik s procesom recirkulacije i prelivom u okolno zemljište. Talog iz taložnika se koristi kao agregat u proizvodnji betona.

Vodoopskrba se vrši iz gradskog vodovoda kojim gospodari JKP „Vilenica“ d.o.o. Novi Travnik.

Na lokalitetu gdje je izrađeno postrojenje za proizvodnju betona ne vrši se pretakanje goriva, jer se postrojenje nalazi u blizini benzinske stanice.

U postupku legalizacije, podnositelj zahtjeva je pokrenuo aktivnosti na pribavljanju potrebnih suglasnosti i u tu svrhu je pribavio projektnu dokumentaciju, na razini idejnog projekta, za prikupljanje i tretman otpadnih voda, izgrađen od ovlaštenog poduzeća HIGRACON d.o.o. Sarajevo iz 11/2021.

Do datuma uviđaja, nije rađen monitoring otpadnih voda.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatira se da je podnosilac zahtjeva „GRADEVINAR“ d.o.o. Novi Travnik, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 , 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju  
Rukovodilac Sektora za izdavanje vodnih akata



Haris Ališehović, dipl. ing.grad.

Dostaviti:

- „GRADEVINAR“ d.o.o. Novi Travnik, Vrbaska bb, Gornji Vakuf-Uskoplje
- AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava